

Gala do Libro Galego o 11 de maio en Santiago

Redacción | Luns, 24 de Setembro de 2018, 14:55

Escuchar

Noriega

ARCHIVADO EN | libro Martiño



O Concello de Compostela traslada o seu apoio a esta cita

A IV Gala do Libro Galego, que organiza a Asociación de Escritoras e Escritores en Lingua Galega (AELG), volverá celebrarse en Santiago (Teatro Principal) o 11 de maio de 2019.

Este luns o alcalde de Santiago, Martiño Noriega, reuniuse con representantes de diversas entidades representantes do libro galego, ás que trasladou o apoio do Concello compostelán para esta nova cita.

En declaracións aos medios tras a reunión, Noriega sinalou a importancia de apoiar a esta gala "estratéxica", que "concilia" a posición da Asociación de Escritoras e Escritores en Lingua Galega, a Federación de Librarías de Galicia e a Asociación Galega de Editoras. Por iso, o rexedor valora a "concentración parcelaria das enerxías" dun sector "tan importante" como este.

Pola súa banda, o presidente da AELG, Cesáreo Sánchez, agradeceu o apoio do Concello a "a festa das letras galegas", que "premia non só os mellores libros e escritores", senón a "toda a actividade cultural, económica e social que hai ao redor do libro".

Tras lembrar que esta gala --que conta con 19 modalidades de premios-- conta co respaldo da Xunta, Deputación da Coruña e Concello, Cesáreo Sánchez lamentou que "falta máis apoio" da CRTVG, pois

"os autores que gañan é importante que sexan coñecido no país", e reclama que este evento sexa retransmitido "pola importancia cultural que ten para o país".